



অবিলম্বে প্রকাশের উদ্দেশ্যে: 9/22/2022

গভর্নর ক্যাথি হোকল

শনিবার, 24 সেপ্টেম্বর তারিখে বিনামূল্যে মাছ শিকার করার জন্য নিউ ইয়র্কবাসী ও
ভিজিটরদেরকে আমন্ত্রণ জানিয়ে গভর্নর হোকলের ঘোষণা

*সব দক্ষতার স্তরের মাছ শিকারীদের ছিপ ফেলে, বিনামূল্যে স্বাদুপানির মাছ শিকার
করার সুযোগ গ্রহণ করতে উৎসাহিত করা হচ্ছে*

গভর্নর ক্যাথি হোকল আজ শনিবার, 24 সেপ্টেম্বরকে নিউ ইয়র্ক স্টেটে বিনামূল্যে মাছ শিকারের
দিন হিসেবে ঘোষণা করেছেন। এই বিনামূল্যে স্বাদুপানির মাছ শিকারের দিন বার্ষিকভাবে
উদযাপিত ছয়টি দিনের মধ্যে একটি এবং এটি [জাতীয় শিকার ও মাছ শিকার দিবস](#) এর দিনের
সঙ্গে মিলে গেছে, যেটি এমন সব আউটডোর ক্রিয়াকলাপের প্রসার ঘটানোর জন্য উদযাপন
করা হয় যেগুলো নিউ ইয়র্কের অর্থনীতিতে উল্লেখযোগ্য অবদান রাখে এবং মৎস ও বন্যপ্রাণী
সংরক্ষণে সহায়ক ভূমিকা রাখে।

"ব্যাভিলন থেকে বাফেলো পর্যন্ত, বিনামূল্যে মাছ শিকারের দিন নিউ ইয়র্কবাসীদের জন্য নিউ
ইয়র্ক স্টেটের বহু বিশ্বমানের মাছ শিকারের স্থানগুলোর মধ্যে একটিতে আউটডোর ক্রিয়াকলাপ
উপভোগ করার একটি দারুণ সুযোগ," **বলেছেন গভর্নর হোকল।** "আমি সবাইকে এই
উইকএন্ডে বিনামূল্যে মাছ শিকারের এই দিনটির সুযোগ কাজে লাগানোর জন্য, নিউ ইয়র্কের
স্থানীয় অর্থনীতিকে সহায়তা করার জন্য, এবং আমাদের প্রাকৃতিক সম্পদগুলো সুরক্ষিত রাখা ও
সমৃদ্ধ করার জন্য আমাদের সমন্বিত সংরক্ষণ প্রচেষ্টার সুফলগুলো দেখার জন্য উৎসাহিত
করছি।"

[বিনামূল্যে মাছ শিকারের দিনটিতে](#), নিউ ইয়র্কের অধিবাসী এবং নন-রেসিডেন্ট ব্যক্তির কোনো
মাছ শিকারের লাইসেন্স ছাড়াই বিনামূল্যে নিউ ইয়র্কের স্বাদুপানির জলাশয়ে মাছ শিকার করতে
পারবেন। বিনামূল্যে মাছ শিকার দিবসে অংশগ্রহণকারীদের মনে করিয়ে দেওয়া হচ্ছে যে, যদিও
মাছ শিকারের লাইসেন্স থাকার বাধ্যবাধকতা নেই, মাছ শিকারের অন্যান্য বিধিমালা কার্যকর
থাকবে। 2022 সালে বিনামূল্যে মাছ শিকারের ষষ্ঠ ও শেষ দিন হচ্ছে ভেটেরান দিবস, 11 নভেম্বর,
2022 তারিখে।

**নিউ ইয়র্ক স্টেটের পরিবেশ সংরক্ষণ বিভাগের (Department of Environmental
Conservation) কমিশনার বাসিল সেগোস বলেন,** "লোকজনকে মাছ শিকারের ক্রীড়ার সঙ্গে
পরিচয় করিয়ে দেওয়ার জন্য বছরব্যাপী বিনামূল্যে মাছ শিকারের দিনগুলোতে সহায়তা করতে

পেরে DEC রোমাঞ্চিত। হান্ট ফিশ NY (HuntFishNY) স্মার্টফোন অ্যাপের নতুন ট্যাকল বক্স ফিচারের মতো অন্যান্য উন্নয়নের পাশাপাশি, প্রতিটি অঞ্চলের লেক, পুকুর, নদী, ও খালগুলোতে সব দক্ষতার স্তরের স্থানীয় মাছ শিকারীদের জন্য মাছ শিকার করার অসাধারণ অভিজ্ঞতা উপভোগ করা আরো বেশি অ্যাক্সেসযোগ্য করে তুলতে DEC অব্যাহতভাবে কাজ করে যাচ্ছে।"

এর আগে এই গ্রীষ্মকালে, মাছ শিকারের সাথে সম্পর্কিত পর্যটন বৃদ্ধি করতে এবং নতুন ও অভিজ্ঞ মাছ শিকারীদেরকে নিউ ইয়র্ক ব্যাপী মাছ শিকারের চমৎকার সুযোগগুলো উপভোগ করতে সাহায্য করার জন্য DEC নতুন 'ট্যাকল বক্স' ফিচার চালু করেছে। এই ট্যাকল বক্স ফিচার DEC-এর [HuntFishNY স্মার্টফোন অ্যাপে](#), (iOS ও অ্যান্ড্রয়েড (Android)-এর জন্য পাওয়া যাবে) লভ্য রয়েছে যেটি প্রায় সব মাছ শিকার সংক্রান্ত নিয়মাবলী, জলাভূমিসমূহ, স্টেটের পরিচালনাধীন মাছ শিকারের সাইট, স্টক সংক্রান্ত তথ্য, এবং অন্যান্য উপকারী ফিচার যেমন নির্দিষ্ট কোনো নদী, লেক বা ঝর্ণায় পাওয়ার সম্ভাবনা রয়েছে এমন মাছ শনাক্ত করতে সাহায্য করার জন্য ছবি প্রভৃতি প্রদান করবে। HuntFishNY মোবাইল অ্যাপ সম্পর্কে আরো তথ্য [DEC-এর ওয়েবসাইটে](#) পাওয়া যাবে।

DEC-এর [মাছ শিকারের স্থানসমূহ](#) শীর্ষক ওয়েবপেইজগুলো পরবর্তী মাছ শিকারের ট্রিপের পরিকল্পনা করতে প্রস্তুত ব্যক্তিদের জন্য তথ্যের একটি নির্ভরযোগ্য উৎসও বটে। মাছ শিকার শুরু করতে আগ্রহী নবীন মাছ শিকারীদের জন্য, [আই ফিশ NY \(I FISH NY\) স্বাদুপানিতে মাছ শিকারের ক্ষেত্রে নবীনদের জন্য নির্দেশিকা](#) মাছ শিকারের প্রাথমিক বিষয়গুলো যেমন একটি ফিশিং রড রিগ করা, শিকার শনাক্ত করা, এবং মাছ শিকার সংক্রান্ত বিধিমালা অনুধাবন সম্পর্কে তথ্য প্রদান করে থাকে।

বিনামূল্যে মাছ শিকারের দিনে অংশগ্রহণ করা ব্যতীত অন্য সময়ে 16 বছর বা তারবেশি বয়সী মাছ শিকারীদের অবশ্যই স্বাদুপানিতে মাছ শিকার করার জন্য নিউ ইয়র্ক স্টেটের কাছ থেকে মাছ শিকার করার লাইসেন্স থাকতে হবে। মাছ ধরার লাইসেন্স ক্রয়ের তারিখ থেকে 365 দিনের জন্য বৈধ থাকে। স্বাদুপানিতে মাছ শিকার করার লাইসেন্স ক্রয় করা সম্পর্কিত আরো তথ্য [DEC-এর ওয়েবসাইটে](#) পাওয়া যাবে। লবণাক্ত পানির মাছ শিকারের জন্য বিনা ফিতে লভ্য, আবশ্যিক চিত্তবিনোদনমূলক সামুদ্রিক মাছ শিকারের জন্য নিবন্ধন সম্পর্কিত তথ্য [এখানে](#) পাওয়া যাবে।

নিউ ইয়র্কবাসীরা লাইসেন্স ক্রয় করা এবং স্বাদুপানির মাছ শিকার করা সম্পর্কে আরো তথ্য [এখান থেকে](#) জানতে পারবেন। সেইসাথে, লবণাক্ত পানির মাছ শিকার করা সম্পর্কিত তথ্য [এখানে](#) পাওয়া যাবে।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418